



Pou Piblikasyon Imedya: 24/05/2022

GOUVÈNÈ KATHY HOCHUL

GOUVÈNÈ HOCHUL SIYEN LWA SOU SIVIVAN ADILT YO

Ekipe sivivan enfraksyon seksyèl ki te fèt lè yo te gen plis pase 18 ane pou yo ranpli yon pwosè kèlkeswa lè abi a te fèt

Yon fenèt retwospektif yon ane kòmanse apati sis mwa apre sinyati a

Jodi a Gouvènè Kathy Hochul te siyen Lwa pou Sivivan Adilt (Adult Survivors Act, ASA) yo (S.66A/A.648A), ki kreye yon fennèt retwospektif yon ane pou sivivan agresyon seksyèl ki te fèt lè yo te gen plis pase 18 an pou yo pote plent lajistis kont agresè yo kèlkeswa lè abi a te fèt.

"Jodi a, nou franchi yon pa enpòtan nan otorize sivivan yo atravè New York pou yo sèvi ak vwa yo epi pou yo rann agresè yo responsab", **Gouvènè Hochul te deklare.** "Batay kont agresyon seksyèl mande pou nou rekonèt enpak twomatiz nan sistèm jistis nou an. Mwen fyè pou mwen siyen lejislasyon sa a, ki se yon pati nan responsabilite kolektif nou pou youn pwoteje lòt epi kreye yon anviwonman ki fè sivivan yo santi yo an sekirite. Pandan ke travay nou pa ko fini, eliminate agresyon seksyèl kòmanse ak kapasite nou pou mennen moun ki komèt zak odye sa yo devan lajistis epi lejislasyon sa a se yon etap istorik pou pi devan."

An 2019, New York te adopte Lwa sou Victim ki Timoun (Child Victims Act, CVA) yo, ki te kreye yon fenèt retwospektif yon ane pou sivivan abi seksyèl nan anfans yo pou yo fè reklamasyon ki otreman entèdi pa delè preskripsiyo yo.

Menm jan ak Lwa sou Victim ki Timoun lan, Lwa sou Sivivan Adilt la pral ekipe sivivan enfraksyon seksyèl ki te fèt lè yo te gen plis pase 18 ane. Fenèt retwospektif yon ane a ap kòmanse sis mwa apre yo siyen li epi I ap pèmèt sivivan yo pote plent lajistis kèlkeswa delè preskripsiyo yo. Pou anpil sivivan, sa ka pran plizyè ane pou yo fè fas ak twomatiz agresyon seksyèl epi pou yo santi yo pare pou chèche jistis kont yon agresè, pandan y ap pètèt fè fas ak revanj oswa lawont.

An 2019, New York te pwolonje delè preskripsiyo an pou 20 ane pou gramoun k ap ranpli yon pwosè sivil pou yon seri krim seksyèl. Sepandan, lejislasyon sa a sèlman afekte nouvo ka yo epi li pa te retwo-aktif.

Lidè Majorite Sena a, Andrea Stewart-Cousins te deklare, "Pandan twò lontan, sistèm legal nou an te echwe sivivan adilt yo epi li te anpeche yo jwenn aksè ak vrè jistis. Li pran tan pou prezante, sitou lè yo fè fas ak twomatiz ki akonpaye divilgasyon yo. Avèk Lwa Sivivan Adilt yo, n ap di ke nou kwè nan ou epi ke ou merite pou rann kont. Lejislasyon pwisan sa a se premye pami anpil etap nan direksyon pou pi byen sipòt sivivan abi seksyèl yo ak asire krim odye sa yo pa rete san pini. Mwen vle espesyalman felisite patwon Sena a, Senatè Brad Hoylman, pou defans san pran souf li epi mwen remèsyé Gouvènè Hochul paske li siyen li an lwa."

Prezidan Asanble a Carl Heastie te deklare, "Lwa sou Sivivan Adilt la enpòtan anpil pou asire ke chak sivivan abi seksyèl kapab pase jounen yo nan tribinal epi fè eksperyans ak yon sans jistis. Lejislasyon sa a baze sou travay nou te fè anvan pou delivre jistis bay sivivan abi seksyèl pandan anfans yo epi li voye yon mesaj klè ke otè krim yo pral responsab. Mwen ta renmen remèsyé tou Manm Asanble Linda Rosenthal pou sipò san fay li pou sivivan yo ak efò san pran souf li pou mete lejislasyon sa a sou biwo gouvènè a."

Senatè Eta Brad Hoylman te deklare, "Viktwa! Jodi a se yon moman desizif pou jistis sivivan yo nan Eta New York. Avèk siyati Gouvènè Hochul nan kad Lwa sou Sivivan Adilt nou an, nou voye yon mesaj pwisan bay sivivan abi seksyèl yo: Nou tande nou! Nou pa t ap isit la jodi a san kouraj konviksyon ou ki te pouse w pataje istwa ki pwofondman pèsònèl ak ou sou abi seksyèl ki te boulvèse lavi w e ki te rann pasaj lejislatif la posib. Finalman, pòt tribunal yo atravè eta nou an pral ouvri byen laj pou w ka konfwonte agresè w yo epi chèche jistis ke yo te refize w depi twò lontan. Pou predatè yo ki pandan plizyè deseni te benefisyé de delè limitasyon ki twò kout New York yo, ou konnen kiyès ou ye. Lwa sou Sivivan Adilt yo pral mennen w devan lajistik epi fè New York yon kote ki pi an sekirite pou tout moun. Mwen rekonesan anvè Gouvènè Hochul, Lidè Majorite Sena a Stewart-Cousins, Prezidan Heastie, ak kòlèg mwen yo nan Sena a ak nan Asanble Eta a, plizyè ladan yo se sivivan abi seksyèl yo menm."

Manm Asanble Linda Rosenthal te deklare, "Kèlkeswa laj ou, agresyon seksyèl detwi yon moso nan ou, epi pifò sivivan yo pran tan pou trete ak simonte twomatiz la. Plis tan pase lwa New York pèmèt kounye a. Kounye a ke pwopozisyon Lwa sou Sivivan Adilt yo finalman vin yon lwa, pòt jistis yo pral ouvri byen laj epi yon pakèt sivivan pral gen yon opòtinité pou sezi lajistik lè yo pote plent kont agresè yo, ak enstitisyon ki te ebèje yo, nan tribinal sivil la. ASA pral asire tou ke predatè ki te kache dèyè lwa fèb New York yo pral finalman fè fas ak lajistik. Epi, pasaj ASA a sinyale yon chanjman yo t ap tann depi lontan nan lwa New York la, yon re-ekilibraj ki nesesè nan balans jistisyè a epi asire ke yo pwoteje sivivan yo. Mwen te santi m enb pou m travay ak yon gwoup sivivan ki pa pè ki te enpekab nan pouswit jistis yo. Sivivan brav sa yo se kè ak nanm mouvman nou an, e se pou yo mwen te goumen. Tout New York dwe yo yon gwo dét rekonesans. Mwen rekonesan anvè kòlèg mwen yo nan Asanble Eta New York la ak anvè Prezidan Car Heastie pou lidèchip li. Epi mwen rekonesan anvè Gouvènè Hochul paske li pa pèdi tan pou li te siyen pwojè Lwa sou Sivivan Adilt la an lwa. Sivivan yo te tann ase, li lè pou yo wè jistis triyonfe. Jodi a, yo pral fè li."

Lwa pou Sivivan Adilt yo apiye sou angajman solid ak kontinyèl Gouvènè Hochul pou pwoteje ak sipòte sivivan agresyon seksyèl ak vyalans domestik yo. Nan kòmansman ane sa a, Gouvènè a [te anonse](#) prèske 24 milyon pou pwogram kont vyalans domestik ak pwogram kont agresyon seksyèl, ki gen ladan 16 milyon dola pou 83 pwogram kont vyalans domestik ak abri ak 7.6 milyon dola pou 50 sant kriz kont vyòl ak pwogram kont agresyon seksyèl yo.

Gouvènè Hochul tou dènyèman [te anonse](#) 21.4 milyon dola nan èd federal ke yo ap itilize pou founisè sèvis vyalans domestik yo pou ede sivivan yo peye pou depans akoutèm ki asosye ak demenajman, tankou lwaye, sèvis piblik, ak reparasyon.

Nan kòmansman mwa sa a, Gouvènè Hochul [te siven](#) lejislasyon ki elaji pwoteksyon pou viktim vyalans domestik yo nan domèn diskriminasyon kote yo pa te gen garanti anvan, tankou lojman ak akomodasyon piblik.

Joanne Zannoni, ki se Direktris Egzekitif Kowalisyon Kont Agresyon Seksyèl Eta New York (New York State Coalition Against Sexual Assault), te deklare, "Sivivan atak seksyèl yo souvan bezwen tan anvan yo pare pou yo prezante. Lwa Sivivan Adilt yo ofri yon fenèt opòtinite pou sivivan yo rann agresè yo responsab. Sa a kapab yon pati enpòtan nan gerizon sivivan yo."

Connie Neal, ki se Direktris Egzekitif nan Kowalisyon Kont Vyalans Domestik nan Eta New York (New York State Coalition Against Domestic Violence), te deklare, "Gerizon anba vyalans seksyèl se yon pakou, epi sivivan yo ka pa prezante pandan plizyè ane. Yon majorite nan sivivan yo konnen agresè yo epi yo ka ezite rapòte ensidan akòz yo pè vanjans oswa akoz ekspozisyon detay entim yo. Yo ka santi ke yo pral blame, difame, oswa pa pran yo oserye tou. Genyen tou yon lyen klè ant agresyon seksyèl ak vyalans domestik paske majorite sivivan ki te agrese fizikman pa yon patnè entim, yo te deklare tou ke yo fè fas ak agresyon pa menm pathè sa a. Nou remèsyé Gouvènè Hochul ak manm lejislati a paske yo kenbe angajman New York pou sipòte sivivan yo nan elaji delè limitasyon yo epi bay anpil moun atravè eta nou an wout lajistis."

Sara Ziff, ki se Direktris Egzekitif Model Alliance, te deklare, "Gen kèk nan mechan ki pi anvi ke mouvman #metoo a te demaske -- tankou Jeffrey Epstein ak Harvey Epstein -- te eksplwate modèl yo; yon mendèv inikman vilnerab akòz estrikti travay predatè a ki kite jèn fanm ak tifi pyeje nan yon sik dèt ak depandans. Lwa sou Sivivan Adilt la pral espere trase yon chemen pou gerizon pou moun ansanm ak responsabilite nesesè pou endistri a an jeneral. Model Alliance lan tèlman fyè de defansè parèy nou yo ak sivivan yo ki te goumen pou fè jou sa a vin yon reyalite, epi nou yo rekonesan anvè Gouvènè Hochul pou aksyon rapid li."

Direktè Egzekitif Jeneral Safe Horizon Ian, Liz Roberts, te deklare, "Pouvwa kolektif sivivan yo se youn nan fòs ki pi pwisan mwen te janm rankontre. Lwa sou Sivivan Adilt yo se yon testaman pou pouvwa sa a. Mwen rekonesan anvè chak sivivan ki te rakonte istwa yo, ki te rankontre ak yon lejislatè, ki te itilize vwa yo sou rezò sosyal yo oswa nan

nepòt lòt fason. Nou pa t ap isit la san yo. Mèsi Gouvènè Hochul ak Lejislati a paske yo te tandem sivivan yo, fè yo vin yon priyrite epi ba yo yon lòt chemen pou jistis."

Direktris Egzekitif Fondasyon pou Sivivan Abi (Foundation for Survivors of Abuse) a, Mary Ellen O'Loughlin, te deklare, "Adopsyon ASA te pran yon fraksyon nan tan sa te pran pou yo te adopte CVA a. Li bon pou nou konnen lejislatè yo koute epi aji sou sa ki dwat. Kounye a li lè pou agresè yo santi vilnerabilite brit ke anpil sivivan te santi."

Emily Miles, Direktris Egzekitif Kowalisyon Vil New York Kont Agresyon Seksyèl la, te deklare, "Nou fyè pou kanpe ak Gouvènè Hochul jodi a pandan I ap siyen lejislasyon enpòtan sa a ki pral finalman pèmèt tout sivivan vyolans seksyèl yo, kèlkeswa laj yo, gen abilité pou chèche jistis kont moun ak enstitisyon yo ki depi twò lontan pa te responsab ase pou mal yo lakoz yo. Nou remèsyé Gouvènè Hochul pou sipò li ak siyati rapid lejislasyon sa a, Manm Asanble Rosenthal ak Senatè Hoyleman pou defans san fay yo, ak sivivan yo ki pandan plizyè ane te fè tandem vwa yo vèk kouraj."

Donna Hylton, Fondatris ak Direktris Egzekitif Jeneral A Little Piece of Light la, te deklare, "Jodi a, Gouvènè Hochul te siyen pwopozisyon Lwa pou Sivivan Adilt yo vin lwa, sa ki ouvri plis wout pou moun yo pouswiv jistis lè yo bay yon lòt metòd reparasyon pou adilt sivivan agresyon seksyèl yo. A Little Piece of Light (Yon Ti Moso Limyè) pran angajman pou eliminate baryè devastatè ki genyen nan sante ak sekirite, derasinen politik ensenblite ak abitrè ki revictimise sivivan yo, ki mennen nan ogmantasyon risk enkaserasyon, mank abri ak plis ankò. Adopsyon ASA a se yon etap nesesè ak enpòtan nan direksyon pou reyalize reyalite sa a ak kreye yon New York ki pi an sekirite, ki pi ekitab."

Sivivan ak Defansè Marissa Hoechstetter te deklare, "Lwa sou Sivivan Adilt yo se yon gwo viktwa pou sivivan yo, espesyalman nan yon moman kote otonomi kòporèl fanm yo anba atak. Mwen trè rekonesan anvè Gouvènè Hochul ak Lidèchip Sena ak Asanble a paske yo fè New York vin yon lidè nasional nan dwa sivivan yo. Lwa sou Sivivan Adilt yo gen pou wè ak bay moun yo yon vwa sou fason yo chwazi geri anba mal ke yo te sibi. Si yon sivivan egzèse ou pa dwa li genyen pou l pouswiv jistis sivil dapre lwa sa a li konplètman depann de li. Sepandan, nou ap remèt pouvwa a nan men sivivan yo. Se sa ki enpòtan. Se mesaj sa a li voye bay moun ak enstitisyon sa yo ki kontinye kenbe yon kilti vyolans seksyèl."

Sivivan ak Defansè Drew Dixon te deklare, "Li pa posib pou parèt konplètman nan mond lan lè w ap kache verite w pou fè espas pou mansonj agresè ou, kidonk sa a se yon moman desizif. ASA pral ekipe sivivan yo pouvwa pou yo tandem, egzamine, epi finalman, rekonèt istwa yo. Mwen vrèman anvayi ak rekonesans jodi a, paske anpil moun pral libere."

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418